

Aturcara Majlis

<p>Sebelum majlis bermula (9.30)</p> <p>:: SHAFIQ</p>	<p>Hadirin yang dimuliakan,</p> <p>Majlis akan bermula sebentar lagi. Untuk itu, tuan-tuan dan puan-puan serta hadirin sekalian, diminta mengambil tempat di dalam dewan.</p> <p>Bagi melancarkan perjalanan majlis, tuan-tuan dan puan-puan diingatkan supaya mematikan telefon bimbit atau menetakannya kepada mod senyap.</p> <p>Mohon para hadirin tidak meninggalkan majlis sehingga majlis selesai kerana ini merupakan majlis rasmi Institut Pendidikan Guru Kampus Pendidikan Teknik, Nilai.</p> <p>Dan mohon tetamu berdiri ketika vvip berjalan masuk ke dalam dewan.</p>
<p>Pengumuman Ketibaan (9.50 - 10.00)</p> <p>:: TASHA</p>	<p>Diumumkan ketibaan Yang Berbahagia Datuk Seri Dr Zaleha Binti Fadzil, Timbalan Menteri Pendidikan Malaysia, Yang Berbahagia, Rektor Institut Pendidikan Guru Malaysia, Dr Agnes Luncha Anak Lawai, diringi oleh, Yang Berusaha, Dr Muhammad Afdhal bin Zainal, pengarah Institut Pendidikan Guru Kampus Pendidikan Teknik, dan dif-dif jemputan masuk ke dalam dewan.</p>
<p>Nyanyian 2 buah lagu (10.00 – 10.10)</p> <ul style="list-style-type: none">- Negaraku- Negeri Sembilan <p>:: SHAFIQ</p>	<p>(tidak perlu umumkan)</p> <p>Majlis mengucapkan terima kasih atas nyanyian sebentar tadi. Hadirin dipersilakan duduk.</p>
<p>Bacaan doa (10.10-10.15)</p> <p>:: TASHA</p>	<p>Menadah tangan tanda kerendahan, Lafaz Bismillah memperkukuh tautan, Doa dipohon penuh pengharapan, Agar Majlis mendapat keberkatan.</p>

	<p>Bagi memberkati majlis kita pada hari ini, marilah sama-sama kita mengaminkan bacaan doa yang akan diketuai oleh Al-Fadhil Ustaz Ammar Amrullah bin Ismail. Dengan penuh takzimnya, dipersilakan.</p> <ul style="list-style-type: none"> • Amin, amin Ya Rabbal Alamin. Majlis merakamkan ucapan terima kasih atas bacaan doa sebentar tadi.
<p>Salutasi</p> <p>:: SHAFIQ</p>	<p>Bismillahirrahmanirrahim... Assalamualaikum wbt, Salam sejahtera dan salam 1 Malaysia.</p> <p>Kuntum melati tumbuh melata Burung merbah di pohon cemara Assalamualaikum pembuka bicara Selamat datang untuk semua</p> <p>Yang Berbahagia Datuk Seri Dr. Zaleha binti Fadzil, timbalan Menteri Pendidikan Malaysia,</p> <p>Yang Berbahagia, Dr. Agnes Luncha Anak Lawai, Rektor Institut Pendidikan Guru Malaysia,</p> <p>Yang Berusaha Dr Muhammad Afdhal bin Zainal, Pengarah Institut Pendidikan Guru Kampus Pendidikan Teknik,</p> <p>Ketua-ketua Jabatan,</p> <p>Dif-dif jemputan</p> <p>Para pensyarah, ibu bapa, siswa dan siswi pendidik, hadirin dan hadirat yang dirahmati Allah sekalian.</p>
<p>Ucapan alu-aluan (10.10-10.20)</p> <p>:: TASHA</p>	<p>Melati kuntum menghias gelas, Tumbuh melata di tepi kali, Anugerah cemerlang 2015, Pelajar cemerlang kita hargai.</p> <p>Hadirin sekalian,</p> <p>Dari Dewan Institut Pendidikan Guru Kampus Pendidikan Teknik, mengalu-alukan</p>

	<p>kehadiran hadirin sekalian ke “ MAJLIS ANUGERAH KECEMERLANGAN PELAJAR IPG KAMPUS PENDIDIKAN TEKNIK KALI KE-7 BAGI TAHUN 2015”.</p> <p>Saya Nornatasha binti Gurahman</p> <p>Dan saya Muhammad Shafiq bin Ali,</p> <p>Izinkan kami mengacarakan majlis ini sehingga ke penghujungnya.</p> <p>Majlis pada hari ini akan menganugerahkan penghargaan kepada para pelajar yang menunjukkan kesungguhan dalam pelbagai bidang akademik. Justeru, adalah menjadi harapan kami warga pendidik agar ianya menjadi tonggak bagi memulakan anjakan paradigma dan pencetus revolusi dalam diri setiap pelajar.</p> <p>Tak molek, jika ada alu tiada lesungnya Tak berguna jika ada dayung tiada perahunya Tak lengkaplah majlis jika tiada yang berbicara</p> <p>Hadirin sekalian,</p> <p>Tirai majlis kita pada hari ini akan dimulakan dengan ucapan alu-aluan. Untuk itu, majlis menjemput dan mempersilakan, Yang Berusaha Dr Muhammad Afdhal bin Zainal, Pengarah Institut Pendidikan Guru Kampus Pendidikan Teknik untuk menyampaikan ucapan sepatah dua kata. Majlis mempersilakan.</p> <p>(ucapan tamat)</p> <p>Majlis mengucapkan terima kasih</p>
<p>Ucapan Perasmian (10.20-10.30)</p> <p>:: SHAFIQ</p>	<p>Hadirin sekalian,</p> <p>Kalau tuan pikat kenari Jangan patahkan batang jerami Kepada tuan mandat diberi Mohon disempurnakan majlis kami</p>

	<p>Tidak lengkap sekiranya majlis tiada perasmian. Kita teruskan lagi majlis kita dengan ucapan perasmian. Untuk itu, majlis menjemput dan mempersilakan, Yang berbahagia, Datuk Seri Dr. Zaleha binti Fadzil, Timb. Menteri Pendidikan Malaysia untuk menyampaikan ucapan seterusnya merasmikan Majlis Anugerah Kecemerlangan Pelajar IPG Kampus Pendidikan Teknik kali ke-7 Tahun 2015. Dipersilakan.</p> <p>(ucapan tamat)</p> <p>Majlis mengucapkan terima kasih.</p>
<p>Persembahan nyanyian (10.30-10.35)</p> <p>:: TASHA</p>	<p>Hadirin yang dihormati sekalian,</p> <p>Majlis kita akan diserikan lagi dengan persembahan nyanyian daripada 3 jejaka tampan yang diketuai oleh Ahmad Fadhil Bin Awini, wakil daripada kelas 2 PPISMP Sains. Dengan itu, majlis menjemput dan mempersilakan.</p> <p>(tamat persembahan)</p> <p>Sungguh menarik persembahan mereka tadikan? Bukan calang-calang pelajar IPGKPT ini. Majlis mengucapkan terima kasih.</p>
<p>Penyampaian Hadiah Subjek Terbaik (10.35-10.45)</p> <p>:: SHAFIQ</p>	<p>Majlis Anugerah Kecemerlangan Pelajar bagi tahun ini akan kita mulakan dengan Penyampaian Anugerah bagi Subjek Terbaik. Untuk itu, majlis sukacitanya menjemput, Yang Berbahagia Datuk Seri Dr. Zaleha binti Fadzil diiringi oleh Yang Berusaha Dr Muhammad Afdhal bin Zainal, Pengarah IPGKPT untuk menyampaikan hadiah.</p> <p>Bagi subjek Kimia, majlis mempersilakan saudari Aisyah Binti Hamdan dari 2 PPISMP Sains.</p> <p>Seterusnya, bagi subjek Fizik, majlis mempersilakan saudari Nurul Husna Binti Rahiman dari 2 PPISMP Sains</p>

	<p>Dan terakhir sekali bagi Subjek Biologi, majlis menjemput saudara Wan Nasri Solihin Bin Wan Ahmad Yanee dari 2 PPISMP Sains</p> <p>Tahniah diucapkan kepada para penerima anugerah atas kecemerlangan tersebut. Diharapkan semua pelajar dapat mencontohi kecemerlangan mereka itu dan meningkatkan prestasi pada masa hadapan.</p>
<p>Acara forum (10.45-11.05)</p> <p>:: TASHA</p>	<p>Dari Kota Setia ke negeri Perlis, Singgah bersantai di tepi jeti, Forum menyusul memeriahkan majlis, Semoga hadirin terhibur di hati.</p> <p>Majlis akan dirancakkan lagi dengan persembahan forum ilmiah yang bertajuk “Akademik bukan lagi kayu ukur kecemerlangan”</p> <p>Dengan barisan ahli panel yang cukup gah dan dikenali ramai beserta moderator yang manis lagi bijaksana.</p> <p>Dengan segala hormatnya dipersilakan.</p> <p>*Majlis merakamkan jutaan terima kasih.</p>
<p>Penyampaian hadiah</p> <p>- kehadiran penuh</p> <p>- sukan</p> <p>(11.05-11.10)</p> <p>:: SHAFIQ</p>	<p>Hadirin sekalian, Majlis kita diteruskan lagi dengan Penyampaian Anugerah Pelajar Kehadiran Penuh selama 5 tahun berada di IPG ini, untuk itu majlis menjemput dan mempersilakan, Dr Agnes Luncha Anak Lawai dan diiringi oleh Pengarah Institut Pendidikan Guru Kampus Pendidikan Teknik, Dr Muhammad Afdhal bin Zainal.</p> <p>Berikut merupakan senarai penerima anugerah. Yang pertama sekali, majlis menjemput saudara Stephanie Lawas Anak James dari 2 PPISMP Sains. Dan yang terakhir sekali majlis menjemput saudara Ammar Amrullah Bin Ismail dari 2 PPISMP Sains.</p> <p>Majlis diteruskan lagi dengan penyampaian anugerah Tokoh Atlet harapan. Anugerah ini ditujukan kepada saudara Nurul Hakimah binti</p>

	<p>Sudin dari 2 PPISMP Sains. Majlis mempersilakan.</p> <p>Majlis mengucapkan terima kasih atas penyampaian itu tadi.</p>
<p>Syarahhan (11.10-11.20)</p> <p>:: TASHA</p>	<p>Hadirin sekalian, Majlis yang gilang-gemilang ini akan diteruskan lagi dengan persembahan syarahan. Untuk itu majlis mempersilakan saudari Aisyah binti Hamdan dengan syarahannya yang bertajuk “Akhlak Lambang Ketinggian Ilmu”.</p> <p>(persembahan tamat)</p> <p>Untuk makluman semua, persembahan syarahan itu tadi di bawah pimpinan, Yang dihormati, Puan Siti Khadzimah. Majlis mengucapkan terima kasih.</p>
<p>Penyampaian hadiah Tokoh Pelajar Cemerlang & ucapan pelajar cemerlang (11.20-11.30)</p> <p>:: SHAFIQ</p>	<p>Tuan-tuan dan puan-puan, Majlis Anugerah Kecemerlangan Pelajar kita pada hari ini akan diteruskan lagi dengan Penyampaian Anugerah Tokoh Pelajar Cemerlang. Untuk itu, majlis menjemput dan mempersilakan, Datuk Seri Dr Zaleha binti Fadzil dengan diiringi oleh pengarah IPGKPT, Dr Muhammad Afdhal bin Zainal untuk menyampaikan anugerah. Majlis dengan segala hormatnya mempersilakan.</p> <p>Beliau merupakan pelajar yang cemerlang dari segi kurikulum, kokurikulum dan sahsiah. Beliau merupakan anak sulung daripada 3 orang adik-beradik. Beliau berasal daripada latar belakang keluarga yang sederhana. Namun begitu, usaha yang gigih membuatkan beliau dinobatkan sebagai Tokoh Pelajar Cemerlang. Dengan ini saya mengumumkan tokoh Pelajar Cemerlang IPGKPT bagi tahun 2015 jatuh kepada saudari Vivien Wong Siew Sing dari 2 PPISMP Sains.</p> <p>Majlis merakamkan ucapan terima kasih.</p>
<p>Penyampaian Cenderamata</p> <p>:: TASHA</p>	<p>Pihak majlis seterusnya berbesar hati untuk memberikan sedikit tanda kenang kenangan sebagai penghargaan dan tanda ucapan</p>

	<p>terima kasih kepada Dr. Agnes Luncha Anak Lawai.</p> <p>Terlebih dahulu, majlis menjemput Yang Berusaha Dr. Muhammad Afdhal Bin Zainal, Pengarah IPGKPT bagi menyempurnakan agenda. Dipersilakan.</p> <p>Seterusnya, dijemput pula, Yang Berbahagia, Datuk Seri Dr. Zaleha binti Fadzil kerana telah sudi hadir dan menyerikan lagi Majlis Anugerah Kecemerlangan Pelajar IPGKPT pada kali ini</p> <p>Majlis dengan segala hormatnya mempersilakan</p> <p>Majlis mengucapkan terima kasih.</p>
<p>Sajak (11.30-11.40)</p> <p>:: SHAFIQ</p>	<p>Majlis kita akan dihiburkan lagi dengan persembahan sajak yang dipimpin oleh Yang dihormati, Puan Sabariah dan Yang dihormati, Puan Normala . Dengan itu majlis mempersilakan saudari Nurul Husna Binti Rahiman dan saudara Wan Nasri Solihin bin Wan Ahmad Yanee bagi mendeklamasikan sajak mereka yang berjudul “Guru Oh Guru” .</p> <p>Majlis mengucapkan terima kasih atas persembahan itu tadi.</p>
<p>Penutupan, Nyanyian & bersurai (11.40-11.55)</p> <p>:: TASHA</p>	<p>Nampaknya majlis kita sudah hampir sampai ke penghujungnya. Oleh itu, diminta para hadirin berdiri tegak untuk menyanyikan lagu IPGM.</p> <p>Hadirin dipersilakan duduk.</p> <p>Dengan berakhirnya nyanyian sebentar tadi, maka tibalah masanya untuk kami selaku pengendali majlis untuk mengundurkan diri. Pihak majlis juga menyusun sepuluh jari memohon ampun dan maaf sekiranya ada terlanjur kata, terlampau cara sepanjang kami mengendalikan majlis ini.</p> <p>Majlis berakhir penuh syafaat Menjadi ingatan sepanjang zaman Amalan sepakat membawa berkat Hidup beramal bertunjang iman.</p>

:: SHAFIQ

Kalau ada jarum yang patah
Banyak kain tidak berjahit
Kalau ada silap dan salah
Jangan jadikan kenangan pahit

Sesungguhnya yang baik itu datangnya dari Allah S.W.T dan kekurangan itu wujudnya daripada kelemahan kami sebagai makhluk Allah bernama insan.

Dengan berakhirnya pantun itu tadi, maka berakhirlah sudah majlis kita pada hari ini. Majlis menjemput tetamu kehormat untuk menjamu selera di bilik depan dewan kuliah ini. Tetamu yang lain boleh menjamu selera di kafe. Majlis bersurai.

Sekian.